



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՎԱՐՉԱԿԱՆ ԱԿՏ N 1512537

ՀՀ ՀԱՐԿԱՅԻՆ ՕՐԵՆՍԳՐՔԻ 410-ՐԴ ՀՈԴՎԱԾԻ 3-ՐԴ ՄԱՍՈՎ ՍԱՀՄԱՆՎԱԾ
ՊԱՏԱՍԽԱՆԱՏՎՈՒԹՅԱՆ ԿԻՐԱՌՄԱՆ ՎԵՐԱԲԵՐՅԱԼ

01 հունիսի 2021թ.

ք. Երևան
(կազմման վայրը)

Ակտի հասցեատեր

«ԱՎՐՈՐԱ ՊՐՈԴՈՒԿՏ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	8	2	1	2	0	9	4
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Գեղարքունիքի մ. ք. Մարտունի, Կամոյի փ. 38

(անհատ ձեռնարկատիրոջ հաշվառման հասցեն կամ իրավաբանական անձի գտնվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 22.04.2021թ-ի թիվ 1512537 որոշման համաձայն «Ավրորա Պրոդուկտ» ՍՊԸ-ի նկատմամբ իրականացվել են օպերատիվ-հետախուզական միջոցառումներ:

Իրականացված ՕՀՄ-ի շրջանակներում 19.05.2021թ-ին, Ա/Ձ-ի կողմից շահագործվող «Լադա» մակնիշի T 204 AH 799 հաշվառման համարանիշի ավտոմեքենայով Գեղարքունիքի մ. ք. Մարտունի, Կամոյի փ. 38 հասցեից գնորդին մատակարարելու նպատակով իրականացվում էր՝ ընդամենը 62.400 ՀՀ դրամ արժեքով հացամթերքի տեղափոխում՝ առանց համապատասխան ուղեկցող փաստաթղթերի:

ՀՀ ՊԵԿ տեղեկատվական բազայի ուսումնասիրությամբ պարզվել է, որ ընդհանուր 62.400 ՀՀ դրամ արժողությամբ ապրանքների տեղափոխման համար ընկերության կողմից 19.05.2021թ-ին դուրս գրված չի եղել համապատասխան ուղեկցող փաստաթուղթ:

Վերոգրյալը հաստատվել է Ա/Ձ-ի կողմից 19.05.2021թ-ին տրված գրավոր հայտարարությամբ:

Թիվ 1512537 արձանագրությամբ 19.05.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 31.05.2021թ-ին նշանակված վարչական վարույթի լուծմանը: Գործում առկա չեն լրացուցիչ ապացույցներ, չեն ներկայացվել միջնորդություններ:

Վարույթ իրականացնող մարմինը վարչական վարույթի նյութերի ուսումնասիրությամբ հաստատված է համարում «Ավրորա Պրոդուկտ» ՍՊԸ-ի կողմից ՀՀ հարկային օրենսգրքի 57-

րդ հոդվածով սահմանված ապրանքի մատակարարման փաստաթղթավորման պահանջի խախտման փաստը:

Վարչական վարույթի ուսումնասիրության շրջանակներում պարզվել է նաև, որ «Ավրորա Պրոդուկտ» ՍՊԸ-ն 16.01.2021թ-ին հարկային մարմին է ներկայացրել միկրոձեռնարկատիրության սուբյեկտ համարվելու վերաբերյալ հայտարարություն:

Համաձայն ՀՀ Հարկային օրենսգրքի 267-րդ հոդվածի 1-ին մասի 1-ին կետի՝ սույն հոդվածի 3-րդ մասով սահմանված պայմանը բավարարող ռեզիդենտ առևտրային կազմակերպությունները և անհատ ձեռնարկատերերը (բացառությամբ սույն հոդվածի 5-րդ մասով սահմանված դեպքերի) միկրոձեռնարկատիրության սուբյեկտներ են համարվում հետևյալ դեպքերում և ժամկետներում.

1) տվյալ հարկային տարվա հունվարի 1-ից մինչև տվյալ հարկային տարվա ավարտը (բացառությամբ Օրենսգրքի 254-րդ հոդվածով սահմանված՝ հարկային տարվա ընթացքում շրջանառության հարկ վճարող համարվելու կամ Օրենսգրքի 59-րդ հոդվածով սահմանված՝ հարկային տարվա ընթացքում ԱԱՀ վճարող համարվելու դեպքերի), եթե հարկ վճարողը մինչև տվյալ հարկային տարվա փետրվարի 20-ը ներառյալ հարկային մարմին է ներկայացրել հարկային մարմնի հաստատած ձևով՝ միկրոձեռնարկատիրության սուբյեկտ համարվելու վերաբերյալ հայտարարություն:

ՀՀ հարկային օրենսգրքի 410-րդ հոդվածի 3-րդ մասի համաձայն՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների ընթացքում Օրենսգրքով սահմանված կարգով միկրոձեռնարկատիրության սուբյեկտ համարվող հարկ վճարողների կողմից ապրանքների մատակարարման կամ տեղափոխության փաստաթղթավորման կամ ապրանքների հետազոտության ապահովման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի կամ առանց ապրանքների հետազոտությունն ապահովող էլեկտրոնային սարքի ապրանքների մատակարարման կամ տեղափոխության հայտնաբերման դեպքում կիրառվում է նախազգուշացում, իսկ նախազգուշացումը կիրառելուց հետո՝ մեկ տարվա ընթացքում, սույն մասով սահմանված երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ:

Վերը նշվածից ելնելով փաստում ենք, որ «Ավրորա Պրոդուկտ» ՍՊԸ-ն, 16.01.2021թ-ին միկրոձեռնարկատիրության սուբյեկտ համարվելու վերաբերյալ հայտարարության ներկայացմամբ 2021թ-ի հունվարի մեկից համարվում է միկրոձեռնարկատիրության սուբյեկտ, որպիսի հանգամանքով պայմանավորված, 19.05.2021թ-ի թիվ 1512537 արձանագրությամբ ամրագրված խախտման համար վերջինիս նկատմամբ տուգանքի տեսքով հարկային պատասխանատվության փոխարեն նախատեսված է նախազգուշացումը:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

ՀՀ ՊԵԿ ՀՕՀ վարչության 19.05.2021թ-ի թիվ 1512537 արձանագրության հիման վրա «Ավրորա Պրոդուկտ» ՍՊԸ-ի նկատմամբ կիրառել նախազգուշացում՝ հարկային պատասխանատվության տեսակը:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ


ԱՄՆԱՑԱԿԱՆՅԱՆ



Միաժամանակ տեղեկացնում ենք, որ ՀՀ Հարկային օրենսգրքի 410-րդ հոդվածի 3-րդ մասի համաձայն՝ միկրոձեռնարկատիրության սուբյեկտի նկատմամբ նախազգուշացումը կիրառելուց հետո՝ մեկ տարվա ընթացքում, նույն մասով սահմանված խախտման երկրորդ փաստ արձանագրվելու դեպքում վարչական ակտն ուժի մեջ մտնելու օրվան հաջորդող օրվանից հարկ վճարողը դադարում է համարվել միկրոձեռնարկատիրության սուբյեկտ: